

WIFLISPVRGERGOVIA:

285

successu crevit Civitas ipsa, supra & infra. Oppositi montes sustentant mœnia, tametsi in Orientali Monte, nullæ fere domus, præter munitiones existant. Quocumque pergis in Civitate, est tibi, vel ascendendum vel descendendum. Ager ejus profert omnia necessaria præter Vinum, quo non nisi importato utitur. Et hæc de hujus Tractus Civitatibus: nunc nonnulla de administratione Reipublicæ harum Urbium addamus. Genus Reipublicæ est in his, quale in iis Urbibus Helvetiæ quæ non sunt distributæ in certas Tribus ex quibus Magistratus pari numero deligantur. In his autem Urbibus summum Magistratum & Caput publici Consilii vocant, *Ein-Schultheissen*. Vox hæc Germanica in Longobardorum legibus usurpatur, & *Schuldahis* scribitur: videtur autem etymon vocis esse a debito, id enim *Schuld*, & jubendo, quod videlicet *Schuldahis* debitoribus imperet ut creditoribus suis satisfaciât. Iste in hisce urbibus suam auctoritatem & potentiam obtinet. Consilia hic publica etiam duo sunt, Majus & Minus. Majus consilium Bernæ sicut & Tiguri nomen habet ducentorum, quamvis plures sint ducentis. Minus vero consilium Bernæ est hominum xxv i. Senatus eligendi ratio hæc Bernæ servatur: Quatuor Urbis Signiferi ex omni Civium numero viros xvi expertæ fidei & virtutis sibi adjungunt: atque hi xx viri una cum Consule Majorem Senatū deligunt: ac postea etiam Minorem. Consules quorum præcipua dignitas est, ab utroque Consilio communibus suffragiis eliguntur. Friburgi itidem Majus Consilium cc hominum, minus xx i v. Administrantur autem a Minore Senatu Res urbanæ, ac provocationes subditorum audiuntur, præterquam ex Præfecturis Sabaudicis postremo bello captis. Quæ autem ad totam Rempub. pertinent, maximique sunt momenti, ad ducentos seu Majus Consilium referuntur. Consul qui utriusque Consilio præsidet, ab universo populo deligitur. Comites in hac parte, *Nuenburg*, *Nudow*, *Arberg*, & *Balm* Baronatus.

Ratio gubernandi.

N p iij

In